

小溪志

小溪志 卷三

祠廟

遺德廟

縣西南五十里舊名善政



廟唐太和中邑宰王元暉之祠也先是廢土連江

每風濤作沴或水旱成災侯乃命採石於山為隄

為防迴流於川以灌以溉自完山堰溉良田者凡

數千頃鄉民德之立祠以祀後封善政侯宋咸平

四年重修乾道四年賜額淳祐九年加封靈德侯

元至正二年郡守王元恭按行水利致祭廟下建

言鄧令王元暉於完山疊石為堰限截江河使潮

由江而達海水由堰而注河遍及城邑潞泄有方
後世永賴雖有侯封未足報稱宜從優加封爵以
稱國家敬神愛民之意明時歲以十月初十日記
以剛鬣國朝嘉慶十年加封孚惠侯每歲春秋
守土官具祝文香帛羊一豕一尊一爵三陳設祠
內正官一人朝服詣祠行禮道光二十一年重修
營東廡為從祀祠周志旁有報安祠中祀段公光
清胡公元潔採訪

宋奉國軍節度使康憲鐵公億祀中室一

宋監明州船塢唐公意祀中室二

宋明州簽書判官廳公事張公必 祀中室三

宋鄞縣令龔公行修 祀中室四

宋敷文閣待制知明州軍州事秦公棣 祀中室五

宋祕閣修撰知慶元軍府兼沿海制置副使陳公

塏 祀中室七

宋觀文殿大學士沿海制置大使判慶元軍府吳

公潛 祀中室九

元鄞縣尹阮公申之 祀中室十

明鄞縣知縣沈公繼美 祀中室十三

宋直祕閣知吉州軍州事兼管内勸農使魏公峴

祀東室一

宋國史秘丞吏部郎官安公劉 祀東室二

元慶元路教授潘公夢桂 祀東室三

宋知鄞縣事虞公大甯

明甯波府推官魏公復琦

明鄞縣知縣沈公猶龍

宋禮部尚書王公應麟

宋直寶謨閣兩浙東路提點刑獄公事兼知慶元

軍府沿海制置司公事程公卓 祀中室六

宋沿海制置使司幹辦公事林公元晉 祀中室八

元慶元路總管王公元恭 祀中室十一

明甯波府推官朱公欽 祀中室十二

明鄞縣知縣洪公良範 祀中室十四

明甯波府同知黃公樸 祀中室十五

明甯波府知府鄒公希賢 祀中室十六

明鄞縣知縣魏公成忠 祀中室十七

明鄞縣知縣張公伯鯨 祀中室十八

國朝署鄞縣知縣周公樽 祀中室十九

唐佐理築堰十人 祀西室一

宋修堰耆民周四 祀西室二

明佐理修堰耆民王森胡仲道陳武王瀾
三

唐僧操公
像在侯左

唐縣尉李均

唐江使太尉
像在侯左

宋清祐同知馮公德芬
像在侯右

宋清化同知朱公達道
像在侯右

宋節度推官朱公伯劬
像在侯右

明萬厯同知龍公德孚
像在侯右

宋蘇為撰重修善政侯祠堂記祭法曰法施於人
則祭之能禦大災能捍大患則祭之是知聲光垂

於簡編德馨享於廟食者豈徒然哉善政侯瑯琊
王公諱元暉冊封之典圖志載之備矣按有唐太
和年出佩銅章字人海微時屬承寬之後躬行阜
俗之化以勤儉戒游惰以誠懇敦孝慈貪夫斂手
於袖間暴客屏跡於境外能使婚嫁有序惇獨有
依他民愁歎我則民諧手譙樂他民凋敝我則民
豐乎衣食詩所謂愷悌君子民之父母者歟先是
厥土連江厥田宜穠每風濤作沴或水旱成災不
若採石於山為隄為防迴流於川以灌以溉通乎
澗下之澤建乎不拔之基能於歲時大獲民利故

自它山堰溉良田者凡數千頃得非謂法施於人
乎能禦大災乎則侯之為政也易俗移風惠其生
民沐義浸仁澤及來裔使永永之世猶受其賜者
不可勝數則子由治蒲之政西門投巫之酷諒有
慚德今海縣宴清哲后求治一同之任非賢弗居
太博王家輟玉筍之班假墨綬之秩去民之害必
杜其漸興民之利必臻其源他日嚮侯之德聲謁
其祠庭則門榛砌蕪曝露尤甚乃歎曰將何勸乎
民吾將新之吏忻民懽風動草偃擇材揆日經之
營之於是遷祠之基止堰之上使泛舟者賴其德

力農者懷其恩觀其廟貌羣飛軒墉蔽虧及其庭
也則若聆乎片言升其堂也則如聞乎七絲我乃
潔誠端簡享神於祠是使遺愛之道載彰嚴祭之
禮斯備在江之潯祐我蒸民嗚呼侯之生也以子
男之位能以善政被乎俗其歿也以正直之道能
以不朽留其神向若為唐鉅僚列爵重位必能霖
雨四海舟航巨川則貞觀之風不為遼哉知縣太
傅譽播乎清華德施乎疲俗景慕先哲樹之休聲
庶使享斯廟者知仁政之可尚也為通理侯藩備
熟徽烈俾旌如在無愧直書其祠堂之棟宇官史

之名氏請附之碑陰時大宋咸平四年歲次辛丑
六月初伏前一日記

國朝邑令周錫撰加封記侯姓王氏諱元暉瑯琊人
唐太和中以朝議郎行鄆縣令鄆今之鄆縣也瀨
海枕江商賈輻輳魚鹽盈市時屬承寬之後民淫
以佻盜賊充斥侯下車一以阜俗為本務勤儉尚
敦樸戒游惰懲貪暴民返於淳境內大治鄆地中
高外卑河水易竭海潮至則交通於河水味鹹不
可食溉田輒腐民甚病之侯度地勢疏泉脈引它
山之水曲折數十里達於城界石為隄俾江與河

截然分流以汲以灌民用饒足後人思其功立祠
於它山之巔歲時祭享乾道中賜號遺德廟寶慶
中勅封善政侯淳祐中加封善政靈德侯我朝
嘉慶六年久雨水溢禾盡偃邦人大懼侯降臨於
庭雨止水平歲則大熟邑紳具狀轉聞於朝十
年六月奉旨加封孚惠侯命下之日鄣民扶老
攜幼填塞廟門內外歡聲若雷嗚呼侯之加惠於
鄣可謂至矣鄣民感侯之惠從而尸祝之廟貌之
申請而褒封之其所以美報於侯者亦可謂稱矣
易曰有孚惠心勿問元吉有孚惠我德言上有信

下(則下亦有信以惠於上)

下字下服九字

以惠於上故交孚也非侯其嚆克當之俗以十月
十日為侯誕辰余以縣令致祭咸請文其麗牲之
石義無可辭其銘曰惟唐太和侯宰斯土惻惻歎
歎作民父母民游則墮訓之以勤民巧則教養之
以真行之期年風俗大醕海潮游至內通於河鹹
不利用旱竭則那侯曰無憂不見它山山下出泉
其流潺潺匯而通之曷竭曷殫迺疏迺濬迺引迺
翼迺筑以石迺凝以鐵廣冊二仞崇卅六級江河
分流山澤噓吸萬世永賴欲報罔極迺圖以像迺
奉以祠迺請於朝顯之揚之帝曰都哉民不

可棄崇災捍患於禮宜祭覈實定名允矣乎惠士
民捧檄歡呼若狂飲水思源爰薦馨香紀之豐碑
沒世不忘

遺德廟從祀碑銘維唐王侯元暉來令鄆縣創宅
山堰以潴畜水而溉民田是有遺德之廟 皇朝
道光二十一年里人朱大夫孝銓擴而新之工告
訖其兄子壻徐時棟言曰於顯哉宮寢閔壯禮儀
崇秩侯惠我桑梓縣人逮今不敢忘雖然自侯以
來賢守令及鄉先生其克繼我侯緒修壞補闕滋
澤利我農功者彰載牒記不可誣也今民食厥德

祀典莫舉奚以昭前猷而風來許於是大夫從子
祺與徐君兆蓉相度東廡營室為位大夫從孫志
霖剖其腴田用蠲祀事禮成謂時棟實始建議宜
有銘詞鏡諸貞石時棟不敏謹再拜以銘銘曰茫
茫澤國江河漫之截截强堰王侯奠之江水載濁
河水載清載清載濁惟堰之平在堰上流沙梗而
鬱在堰下流水奔而逸我有賢守又有賢宰越我
先正勤民勿怠有聞有礪有隄有塘資我挹注水
流有常其在於今失其故道亦既旱止黍苗是槁
凡歲大旱匪天降凶旱不為災匪天之功發棠匪

惠顯祖匪德清清泉流毋俾我塞瞻仰侯廟配享
有位豈私諸公以報沈瘁猗嗟諸公百世之師稼
穡維寶敢告有司

煙嶼樓集

宋舒亶題宛山善政侯兼簡鄞令詩嗚呼王封君
心事鬼出沒驅截長江河化作雲水窟旱火六月
天萬棟掛龍骨蕭條一祠宇像設何髣髴破屋夜
見星漏雨溼衫笏杯酒謝車籌茲事恐亦忽我聞
古先王報施必稱物矧今崇佛宮民力殆欲屈豈
無制作手一為起荒第李侯仁賢資撫字良矻矻
可但清似水方看健如鶻沈跡千載後行且見披

拂陰功世易忘遠處俗多咈勉哉君母遲斯民久
已鬱

史弼甯詩梁曉輕船掠水飛乘閒來訪長官祠靈
巖著色四時畫石瀨有聲千古詩華黍幾霑膏澤
潤甘棠長起後人思伊渠不盡為霖意除卻梅梁
誰得知

魏謩謁善政祠詩攜家再謁長官祠桂樹風吹遊
子衣惠澤至今猶澍漫宮楹雖古自光輝梅梁偃
蹇蒼龍伏石級參差白雪飛此地本非供翫賞騷
人到此自忘歸